

靈寶領教濟度金書卷之一百三十 朝

洞微高士開光救苦真人寧全真授

靈寶通玄弘教水南先生林靈真編

科儀立成品度星齋用

經法煉度儀

靜默堂序立

贊引至壇前

設鍊度醮

贊引升座

祝香

具位小兆臣某謹焚香再拜奏啓
虛元自然元始天尊虛皇玉晨大道君萬變
混沌玄元老君高上玉皇大帝運明保元青
玄上帝南極真王朱陵大帝元陽慈父九微
太真木公尊神九先玄女紫微元靈金母尊
神无上三十二天上帝十方飛天神王長生
大聖无量度人君南昌上宮朱陵天府真宰
諸天丞相妙行真人度人不死尊神南極長
生大君度世司馬大神好生韓君又人迴骸
起死尊神青帝護魂君白帝侍魄君赤帝養
炁君黑帝通血君黃帝中主君靈寶度人無

執真衆北魔大神王非魔大神王靈魔大神
王制魔大神王太玄大魔王三界大魔王五
帝大魔王靈虛仙曹衆真監度司敕制地祇
司斷地逮役司十二河源司上解相考司疾
除罪簿司落滅惡根司不得拘留司時刻升
遷司北都寒池司部衛形魂司度品南官司
死魂受鍊司仙化成人司生身受度司隨劫
輪轉司永度塗苦司超凌三界司道遙上清
司欣慶受度司歷關諸天司請滅三惡司斬
絕地根司飛度五戶司名列大玄司魔王監
舉司無拘天門司青帝護魂司白帝侍魄司
赤帝養炁司黑帝通血司黃帝中主司萬神
無越司擲火萬里司明檢鬼營司普受開度
司死魂生身司身得受生司名度南官司魔
王保舉司飛升太空司過度三界司魔王敕
形司拔出地戶司七祖升遷司永離鬼官司
魂度朱陵司受鍊更生司普度天人司大勳
保舉司無所不度司玄局主宰內外應感真
靈願運慈悲俯垂鑒映臣聞七部流光靈寶
扇慈風於夜壑三天御運虛皇舒慈日於昏

衡金真明化育之仁玉匱溥生成之德巍巍
妙道拯提北極之群靈蕩蕩神功遠濟南陵
之二炁皈依有自覆憐無違伏念巨緣運天
來希夷師授三四九室學真紹運於東華八
緯四玄領教承流於西極村煙霞而自樂傲
泉石以怡神風靜雲藏湛見玉清之境龍吟
虎嘯密凝金鼎之胎精神肯遂於紛葩步武
甘同於象罔惟立功而度無聞帝有恩言敢
自足而守空山律存至戒凡伸哀願合爲關
闈以今奉爲齋主某克卜今宵奉宣治鍊欲
望傾光迴駕監真度生羽蓋瓊輪駐景清虛
之上丹與綠華凝玄碧落之中指揮東井之
仙靈策役南昌之官吏容臣恭依師範密運
神功提鬱儀攜結璘降英華而膏沐挹方諸
映陽燧藉精神以陶鎔庶俾正度亡靈洗滌
塵根圓明正性一得永得克離三十六壘之
幽深六塵不塵徑陟八十一天之寥廓副齋
主皈依之悃遂微臣開度之忱臣不勝懇禱
之至

平生讚

11011A 4 4

上清靈寶云壇焚香關啓朱陵天府南昌上
宮流大神庭黃華東井流汨西池主鍊真靈
主水大將軍水沼神將水沼童子黃華玉女
石景水母十二河源大將主火大將軍火池
神將火池童子火鈴靈童九光仙吏擲火萬
里大將鍊度合局應感威靈願遵玉敕蓋止
玄壇化景分輝宣通役使伏聞三洞開圖玉
匱啓度人之典千官轉極玄曹揚濟物之仁
惟朱陵鍊度之司實清微化育之任我以夙
因慶幸妙旨修持金液鍊形受炁幸符於子
午玉華散景坐忘嘉運於乾坤既膺濟度之
權蓋養生成之德以今奉為齋主某克取今
宵奉行鍊度瞻茲逝魄執非祖炁之分靈忽
墜幽途忍使天元之喪本已荷帝師之廣運
更資聖力之溥施隨我神機廓彼妙化五龍
橐籥黃華飛東井之精九鳳徘徊炎光射南
閭之炁水上火下而虎龍混合陰升陽降而
烏兔飛奔為洗滌於根塵更陶鑄於窅垢形
成神而神成炁飛步紫清散炁而聚成人
遊行宵極體天事大慈之化副齋主真切之

忱各運神功當局行事

度人无量天尊三聲

衆誦大行梵炁主諸天臨軒三遍

啓爾真靈隨我神運變化水池蕩滌亡靈鍊
形濯質

侍職捧水洒水池

衆誦中篇

焚建水池符

雲池無鏡神龍之淵運東井華以滌幽魂
攬姿運容太和流津玄和王女灌之于神

焚降真水符

東井黃華玄龍飛津蕩滌幽魂灌塵滯形
玉清仙將服御華新上承帝敕降炁鍊神
石景水母流汨之英

焚真水合同符

太陰正炁壬癸流精上接東井下注八冥
蘭池混合玄英至靈天漿潤洒華景鮮澄

度人无量天尊

啓爾真靈隨我神運變化火池陶冶亡靈鍊
神返炁

侍職捧水洒水池

衆誦中篇

焚建火池符

南方天真天府大神降炁變易流火神庭
亡魂鍊質道遙上清金光煥落玉眸回形

焚降真火符

赫赫妙府南上將軍丹天流化降衝神庭
主宰鍊魂表裏清明炎池崇景煥育胎嬰
陶冶萬精結仙固精

焚真火合同符

陽精變化二炁合陳九鳳翔舞炎煙散新
陶魂鍊魄符契融神天光下照妙合儀瑛

度人无量天尊

引橋壇前立

水火變鍊形神疾證於朱宮劫石轉輪冤業
慮存於黑府欲期超度先盡解除亡故某涉
連世緣業心俗網有形有累寧無舉動之非
彙謀身謀家易致運為之肯正上則九玄七
祖之家訟外則三生四負之冤仇名書考校
之曹過紀憲章之格倘不經於和釋必有累

於超凌庸按金科誦教王策陰關幽域既無考對之虞坎粹離精可受陶鎔之樂仰惟大道同賜證明

焚解先世家訟符

太上符命 普告十方 先亡冤債 冢訟與殃 乘惡流注 魂墮幽鄉 鐵圍銅鎖 萬劫無光 今日受度 同登吉昌

焚解身後冤業符

冤對惡業 罪累相荼 九幽五苦 八難沉零 仇讎執對 展轉無停 神符一下 為友為朋 齊同慈愛 異骨成親

焚解生前呪詛符

陰暗漸萌 呪詛神靈 受冤含苦 終天莫伸 元始有教 玉符紫文 普為解釋 曲赦冤親 同生福鄉 永與道并

焚解宿今罪簿符

天地陰陽 日月星辰 光明照耀 幽夜春新 疾除罪簿 焚化為塵 曹局停閑 亡業升真 北都寒池 萬劫慈氛 冢訟消平 冤仇和釋 呪詛頓解 罪簿疾除 可

謂一身優游萬緣空寂天和內映自然肅傲於虛無人偽外除指日夷猶於家廓宜受鍊度庸助超升請肅成儀恭行科法

度人无量天尊三聲

咨爾真靈部衛亡故某隨我神運右赴水池

受鍊

焚水鍊符

北方之君 水府之精 辰星使者 壬亥將軍 玄武陰神 肅肅清音 五行造化 萬物發生 天帝有教 使者須聽 攝召亡魂 灌鍊身形

焚黃華蕩形符

金體玉津 森羅淨潔 玄龍濯灑 百關澄清 滌垢豁塵 萬炁齊新 育鍊華池 真源自澄

焚月簡符

太陰含化 八景齊臨 玄老秘諱 結璘通明 璇璣運轉 招真合靈 陰光降炁 變鍊鬼魂 天漿下注 流燭利貞

焚十二河源符

崑崙高映 上接天津 流演六合 羅絡支分 石景水母 東井澄奔 舒光萬里 瓊華瀉傾

濯鍊亡魂 淪安還嬰 出死入生 精神潔清 金精飛化 玄華散靈

焚水鍊變仙符

金晶石景 日月合靈 三奇凝光 四象中盈

甲乙木孕 丙丁火成 庚辛金冶 壬癸水形

戊己中土 白元无英 桃康司命 太乙返生 會合自然 上造芝庭

焚魂度朱陵符

紫元黃華 陰炁固凝 蘭湯沐浴 形魂潔清 九陽齊化 飛登朱陵 永度三塗 五苦超凌 逍遙太无 洞觀長生

度人无量天尊三聲

咨爾真靈部衛亡故某隨我神運左赴火池

焚火鍊符

南方之君 赤帝之精 焚惑使者 丙丁將軍 朱雀陽神 赫赫乾英 五行造化 萬物發生 天帝有教 使者須聽 攝召亡魂 陶鍊身形

焚玉眸鍊質符

同炁濯魂 金晶通明 四象成真 丙丁鍊神

閻浮玉說 洞妙自真 陶鑄塵翳 飛步南辰

焚日簡符

鬱儀鍊化 妙朗陽精 炎熾丹天 晃耀朱陵
冶鍊離貞 配合日星 玄幽那漢 萬梵敷陳
流鍊死魂 上造日庭

焚擲火萬里符

擲火萬里 流鈴八衝 朱光激耀 洞煥玄空
炎炎陽燧 上混丹宮 瓊霞彌布 紫煙奔風
降炁流鍊 妙合神功 金華洞照 玉眸易容
升都宣化 安坐運宮

焚火鍊變仙符

朱明上景 火鍊合具 二七飛化 仙度成人
丙丁招儀 壬癸揮舞 龍契甲乙 虎混庚辛
中黃戊己 帝一元君 官府通徹 周布百神
配合自然 飛步玉宸

焚死魂受鍊符

南離委炁 結貞飛輪 夾神之精 大陽流煙
火鍊金冶 清淨死魂 萬炁回靈 飛行瓊軒
洞觀帝鄉 乘運高奔
度人无量天尊

引椿居申

咨爾真靈 都衛亡故 恭隨我神 運迴尸起死
結炁成神

焚元君鍊身符

三才先質 二炁乘天 布化鍊胎 百關備仙
九魂儲精 藏府周全 太一司命 桃康合延
長生大君 无英白元 統御我身 飛度丹天

焚受鍊更生符

南陵丹天 黃華神庭 鍊質治炁 朗耀流英
故爽變化 返胎更生 出入福鄉 飛翔太靈
天地有終 根源無傾

焚仙化成人符

幽爽遐歸 陰魄沉淪 不遇陽光 鐵圍無春
元始鍊化 北斗南辰 尸垢斷除 塵翳離真
即得返形 炁聚成人

焚迴骸起死符

元始玉符 萬里散輝 骨朽重榮 肉腐攝歸
迴黃轉紫 萬神攸依 逍遙入天 舉形仙飛
不墜苦輪 朱鼓羽衣

焚无量度人符

元尊慈日 流照重泉 故裏新識 萬罪俱蠲
昔攝普度 疾駕飛軒 遊行自在 上征瓊軒
曲觀九壘 道炁彌綸

焚中理五炁符

業氛蒙真 昏翳飛揚 五行蕩失 棄離天常
帝君品命 五神鎮陽 理炁攝生 百骸吉昌
迴生起死 混合神光

焚混合百神符

金樓玉室 百神所居 惡根衝激 萬炁散殊
迴風混合 瓊煙含虛 會萬歸一 司命流珠
舉形寶仙 宣景帝廬

度人无量天尊

巨謹上啓 青帝護魂 君白帝侍魄 君赤帝養
炁 君黑帝通血 君黃帝中主 君仰冀慈觀 持
垂洞鑒 伏聞五靈列位 司金木水火土王之
權百體 成神顯魄 炁血中主之造 惟應度
之亡 奏幸承恩 而鍊形行脫 塵蹤上躋 仙域
然念離真 喪本形骸 久滯於幽陰 今期起死
成人神 炁必資於生化 非絲毫倫焉 遂返還
望普運於慈悲 冀曲施於覆幬 庶正度其魂

寧魄靜炁定血舒百骸凝化胎仙而妙合
三宮稠澤復祖炁以輝華稽首皈依恭祈玄
應

度人无量天尊三聲

謹請青帝護魂君東方无英制魂少陽木精
歲星之炁納化亡故某身中以處肝木神九
人神吏九千人主治其中衛護三魂外潤皮
膚毛髮仙化成人

焚護魂符

東望重拜手 蒼帝玉皇君 靈風鼓靈籥
育物布元春 雲龍騰嚴駕 玉衛擁瓊輪
枯萌汎沾及 大憲無不均 萬仙歌以道
委曲戒天人 心根迷自固 拱跪戴洪仁
謹請白帝侍魄君西方白元營魄金精太白
之炁納化亡故某身中以處肺金神七人神
吏七千人主治其中侍衛七魄外潤筋骨牙
齒仙化成人

焚侍魄符

六甲抱金闕 七政守靈壇 流鈴擲火化
威劍巨龍蟠 邈彼素靈真 明憲孰敢干

東制杖鬼魔 寧落霄風寒 沆炁既已息
萬天俄而安 眞儀荷天庇 抵賴相歌歡
謹請赤帝養氣君南方太一司命太陽火精
熒惑之炁納化亡故某身中以處心火神三
人神吏三千人主治其中養護衛炁外潤耳
目鼻口仙化成人

焚養炁符

太景開玉樞 洞室啓金除 審林陰瓊砌
丹鸞踏瓊珠 寶房名曲麗 明堂神所居
飛遊踏雲道 引目眇眞都 天日永不夕
重煙鎖清塵 太上敕印開 怕凡羅箇書
裨風樹玄化 愍愍諒有餘
謹請黑帝通血君北方桃康納晶太陰水精
辰星之炁納化亡故某身中以處腎水神五
人神吏五千人主治其中流通榮血外潤孔
竅精神仙化成人

焚通血符

天質統有物 淵号上帝心 不啓不發道
蘊妙化機深 恐爾漏未盡 陰想勿侵淫
輪轉無涯波 苦道相迷尋 萬年常謹約

一旦自湮沉 无冲落鬼境 殃遣不可任
謹請黃帝中主君中央黃帝化靈君中和土
精鎮星之炁納化亡故某身中以處脾土神
一十二人神吏一萬二千人主治其中萬炁
長存百神混合內外翳冥返胎復嬰上朝帝
君

焚中主符

萬天拱中宸 控駕玉化根 翹機貫億曆
洞朗開四門 太有混皇眞 糾制星宿魂
非帝道不運 有方賴之存 威忿即霜和
和煦為陽春 生成捏元紀 仰荷戴無根
度人无量天尊
亡故某鍊除宿垢蕩滌根愆假五帝之靈光
復一元之精粹陰和陽合氣備神全回惡塵
境之纏縈一笑不直注意太羅之清淨三界
超凌可謂萬劫回緣一朝際遇徑道遠於无
上永飛步於太空本司領教度人合行保舉
敢有違截束送羅鄴一如元始度人律令
發勅制地祇 發普告三界
發元始符命 發歷闢諸天

度人无量天尊

巨謹上啓无上三十二天上帝恭望天慈曲垂省覽臣聞旋斗歷箕梵炁彌羅而罔外分精布化仁恩曠蕩以無邊曠茲亡靈幸陶帝既受二炁之密鍊承五帝之靈光全性復神發符保舉行升金闕上侍玉虛願惟歷闕之司存九屬帝師之主宰孟仲泰告重仗維持降妙炁以淨其根塵布神輝以清其結習俾扶搖而直上徑快樂於虛玄臣下情不勝俛命之至

度人无量天尊

謹上請太黃皇曾天紫微宮黃色元陽之炁下降為所度亡靈淨一欲根歷闕天中度命登真

焚符

梵行冠大羅 浮風抗玄紀 無形有常存
觀世翻然理 屢踐不終劫 探幽度生死
三乘通便路 清虛無塵滓 長夜息對魂
地獄五苦解 劍樹不搖條 刀山不傷體
門有浩劫公 地無天年子 今日慶斯會

諸天並歡喜 不勝情欣悅 高唱稽首禮
謹上請大明玉完天紫房宮綠色上陽之炁下降為所度亡靈淨二欲根歷闕天中度命登真

焚符

寔景玉完上 遊輪躡玄都 道遙大明中
長燈煥翠羅 靈風拂重雲 龍阜鬱嵯峨
上有飛天人 羽衣五紛葩 下有龍漢民
皆是浩劫家 五道息對魂 九幽罷三途
天馬運東井 長線無巨沙 不聞孤魂聲
俱作興樂歌 斯樂今無極 當奈來運何
謹上請清明何童天元宸宮青色太陽之炁下降為所度亡靈淨三欲根歷闕天中度命登真

焚符

無色何童上 梵元理太清 華綺麗玉京
黃雲纏四軒 紫林翠南阜 颯風振朱瓊
鳳嘯長夜開 十轉九幽明 烏母過天河
龍負寒井餅 五道絕對根 三塗不釋兵
迴旗傲天魔 黃幡校北營 洞章度幽魂

三界無謠舂 上有福德堂 下有更生形
是為元始法 妙哉空洞經 喜慶稽首誦
高唱歡萬齡

謹上請元胎平育天元景宮赤色青陽之炁下降為所度亡靈淨四欲根歷闕天中度命登真

焚符

平育抗三曾 迴神度十方 上披長夜戶
下朗九幽房 苦魂乘慶歸 飛行入福堂
山無對怨人 但有浩劫公 元始迴玉駕
黃旗名靈風 掃除五道場 綠對乘運通
飛天並歡樂 慶我長生宮
謹上請元明文舉天廣寒宮蒼色洞陽之炁下降為所度亡靈淨五欲根歷闕天中度命登真

焚符

圓網憐空洞 紫輪偉玉庭 文舉敷丹暉
三便理玉清 離羅耀長庚 九夜煥高明
三界無死魂 億劫皆成靈 巍巍十聖公
梵行飛天經 一誦諸天禮 十轉枯骨生

七玄昇朱宮 享福入無形
謹上請上明七曜摩夷天太陰宮黑色通陽
之炁下降為所度亡靈淨六欲根歷關天中
度命登真

焚符

乘晨遊三素 高奔日月宮 七曜煥上清
鬱儀晞琳房 消魔非兩友 結璘為我朋
迴度十天人 齊嘖飛華煌 朝喰五雲炁
夕喻三晨光 摩夷元世界 倘無五道場
億劫垂皇民 稱為福德堂

其重誠上啓欲界大魔王惟願不捨慈悲曲
垂拯濟俾所度亡靈過度欲界免試其身飛
空之音謹當讚詠

焚符即合歷符

誦第一界魔王章

度人无量天尊三聲

謹上請虛无越衛天太无宮碧色建陽之炁
下降為所度亡靈淨一羸塵歷關天中度命
登真

焚符

虛无梵大羅 飛網憐天關 推度總元紀
四炁晝夜分 九會非常運 號曰越衛門
天地理自之 歡樂豈常存 此為福德界
自生不惡根 奈何來運促 代謝不齊辰
慶今悼來生 故誦哀樂文

謹上請太極濛濛天元都宮紫色極陽之炁
下降為所度亡靈淨二羸塵歷關天中度命
登真

焚符

濛濛煥重虛 曜靈映朱扉 三十二天童
錦帔飛青衣 把務執命籍 攝召苦魂歸
長夜披五戶 朗朗九幽開 太極長生宮
名入並仙飛 法門度人天 億劫自相隨
七祖離苦根 長歌昇紫微

謹上請亦明和陽天長明宮白色始陽之炁
下降為所度亡靈淨三羸塵歷關天中度命
登真

焚符

赤明開元圖 和陽迴上虛 元始敷靈篇
十部飛天書 開度九幽祖 萬倫道自居

玉阜秀琳宮 生死福德虛 自無黃錄簡
苦根焉得除 長齋誦靈章 五靈互相扶
功成天地基 世世慶有餘
謹上請玄明恭華天東華宮綠色陽輝之炁
下降為所度亡靈淨四羸塵歷關天中度命
登真

焚符

恭華十方經 迴解諸天音 敷行萬通通
披度好尚心 黃麾徵天魔 赤書滅寒林
三界通玄路 天無悲魂吟 超過八難庭
逍遙玉綺琴 身入眾梵行 長樂七寶林
永享無極慶 劫劫自相尋

謹上請曙明宗飄天昊玄宮黃色洞陽之炁
下降為所度亡靈淨五羸塵歷關天中度命
登真

焚符

曙明高映宗飄通玄 元始開圖敷落五篇
赤書償錄黃雲四纏 八威備衛靈獸付真
華光飭發反香拂塵 綺合長阜旋迴十天
高唱空洞飛步入玄 枯魂昇陽 灰骸還人

神王度命乘虛駕煙禮誦靈章與劫同年
謹上請竺落皇笏天清元宮青色陽明之炁
下降為所度亡靈淨六塵歷關天中度命
登真

焚符

皇笏攝元竺落總神白簡度品青錄定仙
黃江迴靈赤書招真靈風鼓旗十絕遠窺
日精煉魂枯骸生津十轉拔難功登飛天
洞章命魔稽首上玄滅落九夜斷除胞根
名度南宮保命三便

謹上請虛明堂曜天重華宮赤色陽演之炁
下降為所度亡靈淨一細塵歷關天中度命
登真

焚符

虛明大梵梵行大館元公臨正司命執算
是日嘉慶五道披散錦雲仰迴月華下觀
朱童度苦靈童拔難七玄昇軒十轉登儀
七寶林中歡樂璀璨
謹上請觀明瑞靖天光華宮青色陽明之炁
下降為所度亡靈淨二細塵歷關天中度命

登真

焚符

瑞靖理運十迴觀明龍漢蕩蕩五慾不生
下有純民上有三靈滅度九道轉輪魂形
五帝監度魔王保明息宿緣對運乘福生
樂無盡已逍遙天庭諸天眾聖稽首誦經

謹上請玄明恭慶天開闔宮黑色陽浩之炁
下降為所度亡靈淨三細塵歷關天中度命
登真

焚符

玄明洞虛流輝九霞恭慶承梵靈風散華
長麾迴仙赤文攝魔召龍負水鳥母早河
九幽開度休息三途五苦長解地獄清和
斬根絕對反生王家
謹上請大煥極瑤天帝康宮碧色陽極之炁
下降為所度亡靈淨四細塵歷關天中度命
登真

焚符

太煥究振極瑤承浮開清九門三使飛流
長庚結夜玉燈明燭負華瑩映黃雲四敷

迴風混合百神召元公子執籍太乙度符
司命拔死生骸起灰逍遙七寶林中熙遊
十聖齊真飛天同儔出入法門萬劫何憂
謹上請元載孔昇天延命宮紫色少陽之炁
下降為所度亡靈淨五細塵歷關天中度命

登真

焚符

元載眾梵炁孔昇綱八羅救雲迴金門
紅映煥朱霞上有採生童飛天互參差
食炁長阜穴咽津黃水華開夜拔朽骸
還童反素牙身入不死劫名係玉靈都

神王定仙錄五帝符大魔保明三界難
世世為仙家
謹上請太安皇崖天開明宮白色太陽之炁
下降為所度亡靈淨六細塵歷關天中度命
登真

焚符

太安皇崖天紫微映朱日上有八會炁
靈風鼓慶室五老攜賓駕宴景西鬱察
金童敷帝席神公輔太一命靈盟五符

攝魔度仙秩 寒庭開夜窻 對現披幽出
 萬萬善緣生 億億靈根絕 天有福堂賓
 地無牢獄結 不勝三界清 五神懼且悅
 謹上請顯定極風天大赫宮黃色浩陽之炁
 下降為所度亡靈淨一輕塵歷關天中度命
 登真

焚符

極風羅八圍 碧難起伏搖 風轉八圍迴
 長庚朗幽遼 天通九夜清 衆聖命羽騰
 飛步七寶圍 大小悉逍遙 高唱誦靈章
 一徧諸天朝 十轉衆生度 苦魂返舊條
 朗朗大有明 惡緣應時消 斯運真難喻
 奈何來運凋
 謹上請始皇孝芒二太丹宮綠色洞陰之炁
 下降為所度亡靈淨二輕塵歷關天中度命
 登真

焚符

始黃元一炁 上梵玄中精 運周恒沙劫
 開化度衆生 龍漢承康界 開圖號赤明
 妙哉元始公 脩歎數三靈 五帝承符會

赤書朗長真 十部大乘門 衆聖讚洞經
 飛步旋玄都 三周統宮城 神王稽首唱
 魔王伏真形 三途息不掠 朽骸自然榮
 南堂多福賓 世為懽樂庭 但恐恒沙訖
 福盡天地傾 運來非時求 苦哉難為情
 謹上請太黃翁重浮容天華蓋官青色開陰
 之炁下降為所度亡靈淨三輕塵歷關天中
 度命登真

焚符

太皇翁重天 德為三界宗 上有監天君
 總領鬼神君 開度生死戶 安置善惡方
 緣對互相尋 勞心總陰陽 諸天並慶集
 懽樂不比方 於是三途解 罷對五道場
 刀山落鋒刃 九幽開夜光 苦魂披重出
 飄飄昇福堂 輪我三乘門 世世生仙王
 謹上請無思江由天明堂官赤色玄陰之炁
 下降為所度亡靈淨四輕塵歷關天中度命
 登真

焚符

无思无色界 眇眇元始初 江由映高玄

煥落五篇舒 十天綠羅室 羲和啟重虛
 五老食玄宮 妙童喰靈墟 仰喻長庚銜
 練胎返嬰孩 太一保命錄 南陵披夜居
 九幽無死魂 門有更生軀 宿對五苦斷
 劫劫生仙廬 諸天並稱慶 蕭條誦靈書
 謹上請上揲阮樂天靈還官蒼色浩陰之炁
 下降為所度亡靈淨五輕塵歷關天中度命
 登真

焚符

阮樂飛玄景 丹雲敷三羅 迴旗徵萬靈
 鐘鼓召天魔 掃通九幽徑 龍鳥負長河
 飄飄无色上 清元蕩難波 紫微煥七星
 賽樹秀玉霞 衆聖集琳宮 金母命清歌
 雙成揚妙曲 一唱飛天和 十唱五苦解
 夜魂披重羅 七神返靈胎 朽骨還更華
 福堂饒清賓 地獄無對家 運役自然炁
 於是息三途 一唱萬劫感 慶賀西玉那
 謹上請无極壽天中元官黑色極陰之炁
 下降為所度亡靈淨六輕塵歷關天中度命
 登真

登真

焚符

暑管高澄虛落十迴 青精始周 元炁敷輝
大有通明 赤帝徘徊 五符流煥 元公放威
萬靈伏奏 群魔消摧 天清地除 九幽廓開
億劫苦對 承運各歸 斷根絕胞 死尸生輝

七祖受靈 皆得仙飛 滅度无極 福慶巍巍

度人无量天尊

赤重誠上啓色界天大魔王惟願不捨慈悲
曲垂拯濟俾所度亡靈過度色界免試其身
魔王之章謹當讚詠

誦第二界魔王章

焚符

度人无量天尊

謹上請皓庭宵度天瓊瑤宮碧色陰生之炁
下降為所度亡靈清淨心業歷關天中度命

登真

焚符

皓庭映十素輝西浮 朱童振杖 策靈九丘
飛步攝魔 制靈召无 總炁御運 元始熙遊
倏歛四八大象交周 歷度開生 五帝煥符

十轉迴玄清澤霧流地藏發泄 金玉滿場
死魂競歸 白骨生軀 逍遙高臺 飛天為儔
謹上請淵通元洞天真元宮紫色陰儀之炁
下降為所度亡靈清淨心識歷關天中度命
登真

焚符

元洞浩明 太白金仙 黃母號曰素靈
右俠月女 左帶扶生 七元吐光 日童擲鈴
威振湖通 煥赫奔星 總監萬萬 受度仙庭
炁不絕死 梵行生生 金闕積簡 上有劫名
功滿升度 月宮鍊形 欲得羽衣 當識朱嬰
朱嬰相度 簡入華清 五帝攜別 降致飛輶
七祖同權 俱行上清
謹上請太文翰寵妙成天靈幽官白色陰明
之炁下降俾所度亡靈入於炁觀歷關天中
度命登真

焚符

妙哉上京 玄範化通 周迴梵行 彌樂十方
無形乘運 觀世大公 左日右月 項有威光
一朗天地 生死普隆 諸苦拔難 長離北鄴

冠帶南冶 沐浴朽容 枯骸起步 飛登太空
逍遙玄虛 衣食福堂 元始同運 世世仙王
謹上請太素秀樂禁上天化靈宮黃色陰洞
之炁下降所度亡靈升入虛无心業俱淨歷
關天中度命登真

焚符

秀樂劫運 禁上迴神 周歷諸天 三十二關
輪擗空洞 倏歛上軒 諸聖朝慶 齊禮玉門
飛行步虛 蕭條靈篇 慶霄流明 反香拂塵
月水瑩華 日精鍊仙 飛景四露 金玉纏旋
大運冥會 萬劫蒙遷 生死同樂 熙怡欣欣
飛天提攜 遊宴紫宸 握運留年 永享自然

度人无量天尊

赤重誠上啓無色界大魔王惟願不捨慈悲
曲垂拯濟俾所度亡靈過度無色界免試其
身魔王之章謹當讚詠

誦第三界魔王章

焚符

度人无量天尊
謹上請太虛无上常融天萬福宮綠色陰靈

之炁下降俾所度亡靈斷除結習惟存性識
歷關天中度命登真

焚符

常融灌靈炁 諸天承其真 集採日月華
奔景步結璘 上嘏无上道 長更續暮年

不樂騰天飛 取度經比玄 蕩蕩龍漢始
無有惡對民 但患仙者苦 樂為遊方圓

飄飄乘運歸 亦不為苦辛 經古履來會
今得同天賓 齊景西那都 肆懼善因緣

常融無地官 皆是聖皇臣 生死三色上
斯樂豈可陳

謹上請大釋玉隆騰勝天日蓋宮青色陰魂
之炁下降俾所度亡靈喜樂清淨與道合弁

焚符

玉隆何雀鬼 騰勝萬道基 三炁生沓煙
紫微煥鬱儀 无色飛空上 眇眇難可思

中有不死神 姓桃字迴孩 自非玄都民
色內莫能知 為人正命籍 勤算延康期

運為長樂世 相與同一時 自以開皇去

萬劫各何之 雖是不終界 下世將難治
諸天欲救苦 勤禮七寶臺

謹上請龍變梵度天靈寶宮赤色陰結之炁
下降俾所度亡靈隨炁升降與道俱生歷關
天中度命登真

焚符

龍變重霄上 梵度行劫端 三羅飛天界
總開十仙門 眇眇入定炁 唯有帝一君

運度諸天紐 長迴億劫關 大會元始交
玉臺簡靈魂 上聖旋七寶 飛行誦靈文

一唱眾仙和 十轉死生分 拔出無窮幽
開度七祖奔 萬始集福堂 冠帶飛天裙

振翻洪波上 麾我度命椿 俄頃二儀判
倏歛謁帝君

謹上請大極平育寶奕天天寶宮蒼色陰極
之炁下降俾所度亡靈洞入道境无為自然

歷關天中度命登真

焚符

眇眇大羅上 太極玉清畿 寶奕沌元炁
八通坦幽微 梵行无景色 高固無傾危

數盡大劫交 獨為澄清暉 天地並化消
眾聖皆競歸 旋繞七寶臺 躡空振羽衣

遨遊玉圍圍 瓊林何淒淒 熙怡不覺朝
條歛大度迴 此時樂何樂 靈寶煥真儀

五文植玄根 軟落諸天開 生遇大羅分
大小悉仙飛 今日眾真會 元始難常希

拊掌和空洞 絃歌一何悲 高唱稱萬劫
太上命長度 度人无量天尊

知磬舉四梵偈
種民梵境冠諸天 道炁鴻濛入自然
心識兼忘惟性在 業塵俱淨獨真存

三災不染無終劫 萬炁齊仙入妙門
惟願亡靈超上境 更升金闕禮元尊

和不可思議功德

侍職移禧來座前

亡故某宿植良因生逢道化諸天上帝既保
舉以歷關三界大魔復愈慈而免誠可進上

清之境升入大羅之都所宜證悟大乘圓明
一性萬形有弊惟道妙以長存千劫無終隨

元杰而獨運永侍玉皇之案克為金闕之臣
勿生塵心再罹世境升天有路入門合符請
整威儀恭行給授

宣升天左右券

宣功曹關 發天門牒

宣靈寶升天大券

負玉券以合符萬魔屏跡登金門而穩步千
聖同遊既飛空之匪伊盍凌霄而直上玄壇
符牒一一披宣宣肅身心勤奉佩奉

給付符錄

宣功德牒

共重誠上啓十方无極飛天神王長生大聖
无量度人君願賜慈悲同垂鑒映一如始青
法會之日不忘元始付祝之言部衛亡靈時
刻升遷逍遙上清永無輪轉更俟召役官吏
同為送迎穩步天衢逍遙雲路好去好去毋
忘道恩

度人无量天尊

臣肅建瑤壇宣行寶範仰祈玄澤俯拯亡靈
以今度品功圓生尸事畢荷帝師之景貺承

大道之甄陶喜慶難言皈依奚極馳心清漢
注想層霄雲車已返於瓊都羽蓋高升於絳
闕巨恭謝天恩下情無任激切之至謹稽首
再拜奉送

迴轎頌

謹召靈寶天仙內院三界所向仙曹施用仙
曹赫奕仙曹疾詣玄壇關同本靖主將某副
將某護道某監壇某會合十方无極飛天神
王部衛亡故某靈魂上登聖境具有文檄恭
為敷陳

宣護送文檄

鍊度事畢魂儀高躋得為天上之種民勿墮
人間之妄見隨劫受化克為金闕之臣返胎
更生常侍玉皇之案慶流後嗣澤被宗親再
拜謝辭伏惟珍重

送靈如儀

師下座超度如法

回靜默堂

向來

靈寶領教濟度金書卷之一百三十

靈寶領教濟度金書卷之一百三十一 閱一

洞微高士開光啟苦具人審 金兵校

靈寶通玄弘教水南先生林靈真編

科儀之成品度星齋

講經儀

入座並同說戒儀

喝座

玄座空浮寶乘中 齊仙萬炁證玄功

靈虛何幸承宗旨 此日高躋步武同

金闕化身天尊

升座祝香

初捨香讚

此香先天孕粹太極流精寶乘凝玄化之根
仁涵三極金鏡照長生之籙祥衍千齡藝向
爐中供養

元始法王至真天寶上祝

皇帝陛下伏願乾坤呈彩河洛煥符慈日舒

明八表被無為之化仁風披拂萬方歌有道

之平扶持三洞以光明化育四民而安樂

二捨香讚